



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**De Vita S. Patricii, Hiberniæ Apostoli, Libri II.**

**Stanyhurst, Richard**

**Antverpiæ, 1587**

De Vita Sancti Patricii, Hiberniæ Apostoli, Liber Secvndvs.

**urn:nbn:de:hbz:466:1-42741**

DE VITA SANCTI  
PATRICII, HIBERNIAE  
A P O S T O L I,  
LIBER SECUNDVS.



ATRICIVS igitur celeberrimâ populi gratulatione, vt tantè scripsi, acceptus, stato quodam die cōcionem vidi maximam, suspensis atque occupatis animis exspectantem, quid noui tandem nūus hospes tantæ talique coronæ nunciarer. Auditorum itaque exspectationi pius præsul occurrens, huiuscemodi eis adhibuit Sancti Patricij  
ad Hibernos  
concio. orationem : Si quis intraret in aliquod ergastulum, intolerabili pædore fœtidum, in quo magnam frequentiam & multitudinem hominum offenderet, quorum corpora constricta essent vinculis, quorū membra carnifices, omnem humanitatem abierentes, continuo tormentis laniarent: credo ego, illius aduentum his miseris fore exspectatissimum, qui eos viâ & ratione doceret, quomodo possent, si modò vel lent, à molesto & putido pædore ad odrum

rum suavitates, à tetricis tenebris ad lumen “  
Solis , à diuturnis vinculis ad nouam li- “  
bertatem , à grauibus pœnis ad desidera- “  
ta solatia , sine vlla retractatione , perueni- “  
re: Hoc cùm ita naturâ comparatum sit , “  
vt certè est , non possum , non adduci in “  
spem maximam , meum vobis aduentum “  
pergratum fore, qui idem sanè nuncius sum , “  
qui vobis captiuis optatum nuntium adfe- “  
ro , fontemque salutis aperio , qui vos è “  
longâ seruitute in perpetuam libertatem , “  
modò dicto audientes eritis , vindicabit. “  
Quorū , inquiet aliquis , ista ? Captiui “  
scilicet sumus , cùm liberi viuamus? In cár- “  
cerem coniecti , qui longè latequé vag- “  
mur? Iacemus in tenebris , qui cælestē il- “  
lud iubar apricantes conspicimus? Mira , “  
Patrici nuntias , non modò à nostrâ intelli- “  
gentiâ disiuncta , sed etiam à consuetudi- “  
ne communis sensus abhorrentia. Bene “  
narras. Atque hoc ipso is miser quām ma- “  
ximè miserandus mihi videtur , qui non sen- “  
tit , quantā miseriâ implicatus viuat. Nam “  
si quis esset in facinore manifesto depre- “  
hensus , iudicis sententiâ condemnatus , “  
certusque dies constitueretur , quo pœnas “  
legibus & iudicio daturus sit , nisi ante de- “  
fini-

„finitum mortis tempus resipiscat , atque ut  
„ignoscatur , poenitente deprecatione postu-  
„let:nonne illius casus vobis miserrimus vide-  
„retur , si reus sibi persuaderet , se nunquam ad  
„tale maleficium accessisse , extra omne peri-  
„culum esse , qua inani confidentia elatus , ad-  
„missum scelus agnoscere , iudicis misericor-  
„diam concitare , impunitatemque scelerum  
„suorum adsequi pro derelicto habet:ad eun-  
„dem modum nos omnes , qui vitam cum ma-  
„ximis miseriis permisit viuimus , in hoc uno ,  
„tota mente omnique animi impetu , ver-  
„sari debemus , ut damna , quibus adficiuntur;  
„seruitutem , qua vexamur ; tyrannidem , qua  
„opprimimur ; intentis oculis intueamur ; ne  
„forte , dum de securitate summa in periculis  
„maximis , & de falsa felicitate in veris mife-  
„riis inaniter gloriamur , de omni gradu ra-  
„ptim deieci , ad interitum ruamus subitum  
„& sempiternum . Primum itaque in nostras  
„calamitates considerationem intendamus ,  
„tum deinde quam ratione his miseriis leuari  
„possimus , magnâ cum curâ & diligetiâ per-  
„scrutemur . Effector cæli & terræ molitorq;  
„Deus in primâ vniuersitatis structurâ homi-  
„nem ad imaginem & similitudinem suam  
„creauit . Atq. in hunc communem nostrum  
paren-

parentem concessit Deus ornamenta, multitudine varia; bonitate diuina; stabilitate etiā firma; modò ipse Numinis volūtati firmè & constanter paruisset. Eum etiam in Paradiso collocauit, id est, in nitidissimo viridissimoq; campo, omni amœnitate perfuso. Cui voluptario loco nihil defuit, quod oblectaret, nihil adfuit, quod offendiceret. Ceterūm nō ita diu tantæ voluptatis usuram habuit. Nam, tērrimus hostis humani generis, dæmon, de cælo cum suo superbo sodalitio, ob superbiam, præcipitatus, parentis nostri felicitati maximè inuidebat. Vedit enim post suā ruinām hominum genus in illius locum, diuinā electione, cooptari. Quocirca in hoc vnum omnem conatum parabat, vt aditum nobis ad cælitū congressum vafre & malitiosè intercluderet. Cuius rei rationem hac astutiā conatus est. Posuit Deus hominem in Paradisum voluptatis, vt operaretur & custodiret illum, præcepitque ei dicens: Ex omni ligno Paradisi comedere, de ligno autem scientiæ boni & mali ne comedas: in quocunque enim die comederis ex eo, morte morieris. Hanc legem viuendi Deus homini dedit, quam vt primus patens perrumperet, sempiterminus noster hostis omni studio eniti nō tardauit.

„dauit. In quo conatu victor euasit. Nam mu-  
„lierem veterator callidus ludificauit, mulier  
„maritum suum in fraudem induxit: quando-  
„quidem ambo fructum prohibitum come-  
„derunt. Atque in hoc primo parente omnes  
„peccauerunt: qui merito atque optimo iure  
„reus mortis à Deo, iusto iudice, pronūtiatus,  
„se ac posteros suos innatā illā dignitate spo-  
„liauit, nostrumque collū in horribilem dæ-  
„monis laqueum miserabiliter inseruit. Fuit  
„enim cum suā vxore ex Paradiſo eiectus, pri-  
„mis illis ornamentiſ atque deliciis orbatus,  
„conscientiā oppressus delicti sui; ex quo de-  
„licto, veluti ex impuro gurgite, omnia hu-  
„mana scelera profluxerunt. Nam ante hunc  
„lapsum Deus animæ partes ita ordinauit, vt  
„appetitus rationi, quasi suæ legitimæ domine,  
„inoderandi & regendi sui potestatē tradide-  
„rit. Ast ubi homo à Numinis imperio defe-  
„cit, omnia fuerunt in contrariaim partē ver-  
„sa. Nam appetitus, tanquā intractatus & no-  
„uus equus, immoderatā ferocitate, reiectis  
„habenis, exultans, rationi morigerari diutius  
„noluit, imò verò in omni aetione in ea domi-  
„nari furibunda bellatrix voluit. Iure id qui-  
„dem. Nam indignus est, cui inferiora pareat,  
„qui superiori Deo obsequi recusat. Nec verò  
hoc

hoc tantum interno bello ardebat homo, " "  
sed extrinsecus etiam terum omnium con- " "  
fusio & perturbatio erat. Nam ipsæ bestiæ, " "  
cicures creatæ, in quibus ante peccatum na- " "  
turalem habuit auctoritatē homo, post pec- " "  
catum immansuetæ effectæ eundem indi- " "  
gnari cœperunt. Imò verò quo cunque illius " "  
oculi inciderunt, pericula sibi vndique pro- " "  
poni satis perspicue intellexit. Mare vidit, at " "  
nantem fluctibus obruere potuit. Mōtes iti- " "  
dem conspexit, qui mole suâ præcipitantem " "  
obtererent; campos cōculcauit, qui inexspe- " "  
ctato & repentina hiatu ambulantem absor- " "  
berent: aërem oculis crevit, qui tabificâ pe- " "  
ste spirantem inficeret, & variis morborum " "  
cruciamentis naufragantem adfligaret; ignem " "  
adspexit, qui mortale ac patibile illud suum " "  
corpusculum aut flammis amburere, aut fu- " "  
mo posset suffocate: In solis radios aciem in- " "  
tendit, cuius accessu calore cremari, contraq; " "  
discessu frigore conglaciari poterat. Quoties " "  
sementē faceret, toties in messe pro frumen- " "  
tis spinas, pro frugibus vepres, aliasq; herbas " "  
inimicissimas frugibus colligebat. Post sar- " "  
mentorum immissionem surculi vel pruina " "  
repressi pubescere non potuerunt, vel siti ex- " "  
usti exaruerunt. Atque ita aduersante & re- " "  
pugnante

D

„ pugnante cæli satu terræque conceptu , exi-  
„ mios labores exiguis fructus compensauit.  
„ Quid de ipsis hominibus dicam , quorū vnus  
„ alteri arma , vim , nec intentabat ? Quot bella  
„ suscepit ? Quantæ pugnæ pugnatæ ? Quæ vul-  
„ néra adficta ? Quot clades adlatæ ? Quanta  
„ multitudo interfæcta ? Quot homicidia per-  
„ petrata ? Atq. ad hunc modū dæmon in uni-  
„ uerso terrarum orbe , tanquam in suo regno ,  
„ tyrannidem furenter exercens , nullū genus  
„ crudelitatis præteriit , sed vsq. eò hominum  
„ mentes excæcauit , vt relicto veri Numinis  
„ cultu , nouos sibi deos fingerent , in quorum  
„ clientelam , quoties in aliquam difficultatem  
„ incurrebant , se cōferrent . Hic Soli litare vo-  
„ luit ; iste Lunæ superstitiosa sacrificeatione se  
„ addixit ; aliis dei sui architectus idolo picto  
„ vel ficto diuinitatis honore , cæco animi im-  
„ petu , tribuit . Singulis omnium quodcunque  
„ numen placebat , eligendi potestas fuit . Nam  
„ flocci facit Dæmon quaem quisq; Deū co-  
„ lat , dummodo verū Deum respuat . Etenim  
„ quamdiu homines ex tam crassâ inscientiâ  
„ laborant , non possunt non sine oculis , non  
„ sine mente viuere , depravatos motus in ani-  
„ mis suis impressos & inustos habere , atq. om-  
„ ni miseriâ ad extremum profligari . Ad extre-  
„ mum

rum dico , quod sanè Extremum vobis, " in ignoratione harum rerum versantibus, est " prorsus incognitum. Nam si ut præsentis vi- " tæ , ita nostrarum ærumnarum finis aliquis " reperiri posset, nostræ miseriæ nō essent mi- " seriæ nominandæ. Siquidē illud non est mi- " serū, in quo reperitur aliquid extremū. Ve- " rūm aliis, præter præsentē, mundus exsistit, in " quo Deus in impios & consceleratos pœnas " constituit, genere, absque controuersiâ, hor- " ribiles, varietate infinitas , acerbitate grauis- " simas, perpessu intolerandas, perennitate in- " terminatas, quarum sola recordatione metu " exhorrescens exalbesco , atque omnibus ar- " tubus contremisco. In hanc carnificinā, om- " nibus ærumnis & miseriis cumulatā , isti ho- " mines post mortem compellūtur, qui hoc in " mundo sceleribus sese adstringunt , atq. dæ- " monis tyrannidi mancipati viuūt. Atque ad " istum ipsum carcereim primus noster parens, " à Dei mandato in Paradiso discedens , se ac " suos posteros perditè amandauit. De huma- " nis miseriis perpaucā exposui , de earundem " remedio nonnulla audietis . Cùm in his mi- " seris temporibus ac perditis moribus, quibus " dæmon nos à profugio & portu æternæ bea- " titudinis exclusit , nostra salus extra modum "

D 2 adfli-

„adflicta fuisset: Deus opt. max. miseratione  
„permotus, humanum genus, omnium scele-  
rum colluione turpificatum, diuturnâ hac  
„calamitate leuare statuerat. Quamobrem fi-  
„lium suum in mundum misit, qui naturæ  
„nostræ particeps effectus, omnisq; peccati la-  
„beculæ expers, acerbitatem à nobis omnibus  
„suo pretioso sanguine redemit. Infinitæ cle-  
„mentiæ euidentissimum signū. Quid etiam  
„nobis aut dignitate maius, aut bonitate me-  
„lius accidere potuit, quām tali tātoq; pretio  
„ab interitu vindicari? Quæ sanè mysteria ut  
„intelligenter à me dicantur, rogo, ut à vobis  
„attētē audiātur. Dominus noster Iesus Chri-  
„stus, Dei filius, ex diuinissimâ virgine Mariâ,  
„natus fuit inter Iudeos Iudæus. In quos cùm  
„innumerabilia beneficia contulisset, illius di-  
„uinâ liberalitate immoderatè & ingratè abu-  
„si sunt. Adtribuit enim cæcis visum; surdis  
„auditum; mutis linguam; claudis incessum;  
„ægrotis salutem; mortuis vitam; &c., quod ca-  
„put est, pœnitentibus veniam. Veruntamen  
„Iudæi tam inusitatæ inauditæque gratiæ ni-  
„mis ingrati, cum diris suppliciis mactare stu-  
„dent, quæ omnibus officiis prosequi debent:  
„Christum itaq. cōprehensum ad Caipham,  
„principem sacerdotū, ducunt. Quicquid au-  
tem

tem malitia architectari, fraus fingere, inuidia machinari, vanitas potest excogitare; in nefario crimen, & fraude capitali, Christo, totius innocentiae exemplo, impiè nefarieq; imponunt. Coniuratos itē testes perditū proditores, infirmati conscientiā fraudū suarum, subornant, quorum lingua, mercede adstricte, ad calumniatorum nutum fictae sunt & accommodatae. Postea eum Pontio Pilato præsidi tradere, à quo iniquo iudice barbarè & iniquè tractatum, ad militum ludibrium possum, verberibus crudelissimè affectū, inimici, furore incensi, in crucem tollere. Quo genere mortis nihil fuit cùm apud alias nationes, tum apud Iudeos, aut ad estimationē turpius, aut ad dolorē acerbius. Quantā verò tormentorum vim præsidium salutis libertatisq; nostræ id temporis pertulerit, nemo homo poterit animo complecti, multoq; minus verbis explicare. In quam te cunq; corporis particulam oculorū cōiectu dares, nihil non cruentum, nihil nō ad viuum resecatum despiceres. Caput cerneret spinea corona redimitum; manus ingentibus clavis perforatas; pedes pari diritate cruci suffixos; cor militari lanceā transuerberatum; linguam siti torridam; cutem verberibus distortā; varices plagarum

„ garū multitudine tumidos ac turgidos ; ner-  
„ uos ad summā crudelitatem intentos ; venas  
„ recentissimo crurore, instar stillicidij , redundan-  
„ dantes. O terram illam beatissimā, quæ dif-  
„ fluentem hunc sanguinem absorbere potuit !  
„ Iam verò quorsum ad internos dolorū acu-  
„ leos orationēm conuertam, quorum acerbitate  
„ humani pectoris angustiæ capere nul-  
„ lo modo possunt, omnes omniū gentiū lin-  
„ guæ explicare nequeunt. Quis itaq. tam fe-  
„ rus & ferreus esset , qui hoc lamentabile spe-  
„ ctaculum, absq. infinitā vi lacrymarū & do-  
„ lorū, oculis usurparet ? Quod vsq. eo immane-  
„ fuit, vt ipse Sol, ne Iudeorum scelus videret,  
„ extraordinario contextus integumento, ( ni-  
„ hil enim ex omni seculorum memoria tale  
„ fuit visum) se abdiderit , crassæque tenebræ,  
„ meridiano tempore , terram opacauerint.  
„ Vnde effectum est , vt Dominus noster , qui  
„ in ortu suo stellam effecerit lœtantem, in suo  
„ etiam interitu solem habuerit mœrentem.  
„ Nec verò superiora tantum illa mœsto fue-  
„ runt & cūturbato vultu , sed inferiora etiam  
„ suum pariter dolorē suscepérunt . Quantus  
„ in cauernis mugitus ? qualis in antris fremi-  
„ tus ? Quam horribiles terræ motus ? Quanta  
„ monumenta aperta ? Quæ petræ scissæ ? vt  
etiam

etiam ipsa saxa , domini suitormentis molli-  
ta, languescerent, ad cuius pœnas marmorea  
sceleratissimorū Iudæorum corda obdurue-  
runt. Quid multa? Nullus post homines na-  
tos & notostantos vspiam cruciatus pertulit,  
vel perferre , pro communi conditione vitæ,  
prorsus vlo modo potuit:& tamen humanæ  
incolumitatis restaurator, nostram salutē si-  
tienter appetens , crudelissimis his exemplis  
interimi voluit. Nam nisi ipse hæc tormenta  
subire voluisset, nullam ei vim inferre inimi-  
ci potuissent. Hoc enim mortis genere sub-  
uenire hominū saluti maximo cōsilio Chri-  
stus decreuit. Siquidem per lignum Dæmon  
victor de homine triūphauit ; per lignū Dæ-  
mō victus homini succubuit. Primus homo,  
relinquens & abiiciens obedientiam , nos ē  
paradiso exturbauit ; secundus homo factus  
obediens vsq. ad mortem, mortem autē cru-  
cis , nobis in cælum non modò aditum , sed  
etiam introitū aperuit. Quid igitur ad hanc  
mansuetudinem addi potuit ? Si amicus pro  
amicō , aut æqualis pro æquali mortē oppe-  
teret, næ ille quidem nimis agrestis & inhu-  
manus esset, qui tanti beneficij memoriā ab-  
iiceret , quiq; singularem honorem tam sin-  
gulari amico , etiam mortuo, non tribueret.  
Philip. 2,8.

D 4

Qua-

„ Qualem igitur gratiam Iesu Christo habere  
„ poterimus, qui à nostrâ miseriâ oculos suos  
„ non deiecit, sed iustus pro inquis, dominus  
„ pro captiuis, filius pro exsulibus, domesticus  
„ pro peregrinis, liber pro seruis, agnus pro lu-  
„ pis, amicus pro hostibus, Deus pro homulis,  
„ ex argilla & luto factis, vitam profudit? Quâ  
„ plenissimâ hostiâ pro nobis satisfecit, & cœle-  
„ stem patrem nobis placauit. Atque adeò ter-  
„ tiâ die à mortuis gloriosè resurgens, immor-  
„ talitatem est consecutus; sedensq; ad dexte-  
„ ram patris, seruos suos, è dæmonis faucibus  
„ creptos, suauissimo suo adspectu in perpetuū  
„ beat. Ad quam sedem vobis apertus est cur-  
„ sus, modò veterem caliginem ab animis ve-  
„ stris dispellere, factis & commentitiis super-  
„ stitionis fabulis renuntiare, atque in Christi  
„ auctoritatem vos cōferre volueritis, qui acer-  
„ rimam vim teterimæ belluæ debilitauit &  
„ fregit, nosq; suo sanguine, maximis tormentis  
„ feruitutis atque interitus liberauit.

Hec oratio, benignè & diligēter audita, mul-  
torū animos magnopere percussit, quos an-  
teactæ vitæ pudere & tædere cœpit; in quo-  
rum mentibus nouum adhuc motum con-  
citatuit hoc, de quo iam scribere instituo: Dū  
hanc orationē in concione Patricius habuit,  
hostile

*Miraculo de  
ctrinam con-  
firmat.*

hostile eius, in quod toto corpore incubuit, in pede cuiusdam principis, qui turbæ interfuit, vel potius præfuit, inscius fixit: cumque in dicendo omni genere amplificationis exarderet, baculi spiculo reguli pedem effodere. Existimauit vulneratus, præsulem, deditâ operâ, illius pedem perforasse, ut vel ex hoc stimulo coniecturam faceret, quâm acerrima in cruce tormenta hominum liberator pertulerit. Nam in eâ religionis nostræ partem, magno orationis impetu, Antistes ferebatur. Hac item mente Dynasta fuit, oportere illos, quorum mentes ad Christianam religionem fingerentur, in aliqua corporis parte discruciar. Proinde vultu occultans sententiam, pede de loco, ne transuersum quidem vnguem, dimouere voluit. Ut primùm Pôtifex errorem suum obstupefactus agnuit, Dynastæ virtutem admirans, quòd frontem saucius non contraxerit, se ei purgat, confirmans hoc per imprudentiâ contigisse. Suppliciter itaq. Deum Præsul obsecrat, per fosso medicamentū adhibere: cuius precibus supremus medicus locum non relinquens, plagam, nulla cicatrice obducta, apprimè optimè sanauit. Hoc miraculo ingens hominum multitudo incitata, Christianæ doctrinæ ad-

D 5 sensum

## 58 DE VITA S. PATRICII

*Patricij in suo  
munere indu-  
stria.*

sensum præbuit. Non languebat interea Patricij industria, sed noctes & dies Euangelij surculos serere, solum, antea minimè subactum, salutariter arare. In quo labore mirum est quantum profecit. Quamplurimi enim in singulos dies, perfidiæ vepreculis extirpati, se ad bonam frugem receperunt. Dū hæc in Hiberniâ geruntur, animarū prædator & direptor Dæmon, pristinam suā vim magis ac magis infringi & debilitari Euāgelij promulgatione perspiciens, nonnullos ē suis ministris furiis agitat, eosq; inuidiæ flamma in Patricium incendit. In hoc numero habitu sunt magi, ac reliqui vani & futilles malefici, sociatâ consenfione dissociatæ superstitionis constricti. Quod genus conceleratorū vbi vbi viuit, præ reliquis mortalibus, de salutis statu deiectum, in omnem iniquitatem demersum viuit. Ifti igitur curam & vigiliam præstant, quibus modis Præfulis consilia possint frangere, atque Christianę fidei fautores ab huius doctrinæ studio deterrere. Teneri enim eorum rem aliter non posse, vident. Quamobrem certo quodam die præcipuos insulæ proceres adeūt, multisq; rationibus confirmant; illorum in primis interesse, modo sibi salutem atq; utilitatē Reip. proponat, extru-

*Magi Sancto  
se opponunt.*

*Regni proceres  
adloquuntur.*

extrudere ex Hiberniâ in Britanniam Patri-  
cium, nouos motus cōuersionesq; veteris re-  
ligionis quærentē. Quid enim, inquiūt, ma-  
gis absonum ac absurdum censeri debet, aut  
à vestrâ dignitate lōgius abesse potest, quām  
alienigenæ, fortunâ abiecto, vestras aures be-  
nignè & attentè dare. Lumen, vt præ se fert,  
ad fert, & tamen nobis nocte offundit: liber-  
tatem verbo promittit; at nos in seruitutem  
reapſe inducit: vmbreas aliquas futuræ gloriæ  
consectatur, cuius rei veritas minimè est cer-  
ta, eiusdem adeptio maximè est dubia. Spe-  
& tra nobis horribilia proponit, quæ pueri in-  
fantes in metu non ponerent, intelligentium  
irrisione ludi debent. Res ab auis, proauis,  
atauis vestris gestas ex literarum monumen-  
tis repetite. Nónne illi suum cursum cū fin-  
gulari virtutis exsuperantiâ transcurrerāt, &  
tamen ad eorū aures noua hæc philosophia  
nunquam peruenera? Quid de nostro ordi-  
ne dicamus, qui in miseriis communibus &  
turbulentis temporibus vobis semper saluti  
fuit. Quoties, consultis deorum immorta-  
lium oraculis, impendentes Reip. casus longè  
antè denuntiauimus? Iá verò dij, sententiam  
rogati, conticeſcunt, & à nostris negotiis, ob  
huius aduenæ præſentiam, oculos auertunt.

Quo-

” Quocirca cùm nihil magis expetendum sit,  
” quàm reconciliatum deorum studiū habere,  
” Patriciū deorum omnium hostem, pestemq;  
” populo molientem è nostrâ insulâ eiiciamus.  
” Ita enim & vos ornamenta dignitatis , resq;  
” publica præsidia stabilitatis conseruabit. His  
” & huiusmodi nugatoriis ratiunculis optimam  
” animos à Christianâ religione magi co-  
” nantur alienare . In quorum sentētiam non-  
” nulli discessionem faciunt. Coniurati vnū se  
” in locum ad ædes cuiusdam Dynastæ cōgre-  
” gant, vbi in conuiuio, opiparè parato, Præsu-  
” lis aut exfilium aut cædem minacibus verbis  
” eructant. Patricius huius coniurationis cer-  
” tior factus ( neque enim fuit obscura ) se in  
” societatem epularis accubationis nō inuita-  
” tus offert. Quo intrante, nulla fit cōuiuarum  
” cōsurrectio: vnum excipio poëtā, in nostram  
” religionem bene animatum . Verūm Ponti-  
” fex eorum vultum subire ( prout est eius hu-  
” militas) minimè recusat. Nam ad hūc finem  
” venit , vt coniuratorum mentes sensusq. de-  
” gustet, vt magorū furentes impetus, vanosq;  
” conatus cohibeat, denique vt salutarem col-  
” lectam conuiua recumbentibus clariatur.  
Accumbit itaq. non rogatus . Mira omnium  
taciturnitas , vultu seuero ac tristi declarata  
moro-

*Nonnulli op-  
timates contra  
S. Patricium  
conspirant.*

morositas. Hic certus magus, tempus, ut arbitrabatur, per opportunū homicidio nactus, paululum secessit, vt Patricio venenum pararet. Quo negotio ex animi sententiā confessō, Pontificem amicē compellare, per benignè adloqui, venenatum poculum honoris & amoris ergò ei tradere. Præsul satis perspectum habuit (siquidem intus fuit monitor, qui ei omnia suggestit) veneficum ei merces fallaces & fucosas obtrudere. Quare paterā plenā manu accepit. Prius verò quām potū primoribus labris gustauit, vnā aut alteram *Nihil ei nocet.* guttam in terram proiecit, quibus stillis tota veneni vis inclusa in solum cecidit: quod reliquum fuit, exhausit. Hic magus inflatus læticiā & insolentiā momentum de momento exspectat, quo Præsul mortuus concidat. At verò ubi res aliter cecidit, ac putauit (nā Patricius epoto poculo remāfit incolumis) veneficus omni acerbitate & rabie furere, atq. Antistitē his verbis adfari: Hui, vnde tu? cui (malūm) deo te ministrum præbes? Qualem religionem in nostram patriā inducis? Quo tandem prodigo transmarinam tuā doctrinam illustrare poteris? Ad certamen te prouoco; etiamsi non sim nescius, quām iniqua duelli conditio sit, cū tam molli & enervato aduer-

*Ad certamen  
à mago preue-  
catur.*

aduersarioluſtari, quem quidē vincere glo-  
 riosum non eſſet, à quo vinci ignominiosum  
 foret. Verū experiamur vires tuas. Iā nunc,  
 vt vides, æſtas eſt. Niuēmne imperare potes?  
 Ad hæc Patricius, Ego, inquit, in omni actio-  
 ne mentem meam ad Dei voluntatem con-  
 ferre aueo. Magus existimans hoc ad victo-  
 riā eſſe ſatis, territoriū niue obdūxit, poſtea  
 campos densiſſimiſ tenebris, quaſi connubia  
 nox eſſet, obtēdit. Remoue, inquit Patricius;  
 niuem: diſpelle caliginem. Hic alter, Iſtud,  
 inquit, mihi integrū non datur, hodierno vel  
 craſtino die, vſq. dum persimilis horæ pun-  
 ctum reſcurrat. Ad hæc Pontifex, cui ergo ars  
 tua non admodum miſera & miſeranda vi-  
 deatur, quā hominibus, cùm obeffe velis, ob-  
 effe vales, cùm prodeſſe velis, prodeſſe nō va-  
 les. Hic cùm Antistes paululū interquieuiſ-  
 ſet, Numinis auctoritate fretus niuem & te-  
 nebras ſubito abegerat. In quo miraculo ma-  
 xima hominū frequentia adſtans, & exitum  
 contentionis exſpectās, exclamauit, multiq;  
 inſideles, idolis renuntiantes, ſeſe in Chri-  
 ſtianæ religionis ſtudiū, repudiatis malis ſua-  
 foribus, tradiderunt. Alio item tēpore furun-  
 culus aliquis caprū clepferat, & comederaſt.  
 Pēquarius furtum cum Patricio cōmunicat.

Præ-

*Magum de-  
 uincit multas  
 que animas  
 lucratur.*

*Furtum mi-  
 raculo mani-  
 festat.*

Præful concionem aduocat, furtū reddi iubet. Adfuit iam tum in confessu furunculus, qui Præsulis imperiū pro nihilo duxit: siquidem nihil minus quām de restitutione cogitauit. Hac fraude animo conceptā, cælestē Numen caprinum sonum ex furis vētre elicere. Adstātūm oculi in hominem furacem conuersi. De quo per antiquus hymnus:

*Virtus ostenditur noui miraculi,  
Hircus cognoscitur ventre latrunculi  
Balatu, igitur mirantur populi  
Virtutem Dei famuli.*

*In hymno ad  
Matut. in of-  
ficio S. Pa-  
tricij.*

His & huiusmodi miraculis permagna ad Christianorum collegiū accessio fiebat. Patricius itaq. gregi suo, tanquā bonus Pastor, acri inspectione inuigilat; frequēti & assiduā admonitione Christianos nouitios ad omnē pietatē informat; infidelium errores conuinxit, reclamantes magos peruellit; ægrotorum grabatos concurſat; quorū mentes Euangelij pabulo nutrit, corpora, quando expedit, oratione sanat. Dum hūc vitæ cursum Patricius in Hiberniā tenet, adhuc non defunt aduersarij, qui illius doctrinæ effrenatā & præcipiti mente obnituntur. Alij etiam quasi in biuio vacillantes, in quā se viam dēt, animis sollicitis & anxiis anquirunt. Qui cùm varias Patricij

*Adhuc alijs  
Sancto refi-  
stunt.*

tricij conciones attentis animis excepissent,  
certo quodam tempore ad hunc modū cum  
,, antistite sermonē instituerant: Multa tu qui-  
,, dem, bone vir, inuitamenta in medium pro-  
,, fers, quib⁹ aures nostras delinire videris; plu-  
,, rima etiam horribilia tormenta minaciter  
,, proponis, quibus nos à deorum cultu deter-  
,, rere conaris. Verùm quī probari possit, hanc  
,, philosophiam, quā nobis inculcas, ad verita-  
,, tem accommodari. Quare, vt præcisa sit no-  
,, bis omnis in futurum dubitatio, pone ante  
,, oculos nostros ista, quæ pleno ore laudas, cæ-  
,, litum præmia; dispiciamus ea, in quibus cum  
,, tantâ corporis conquassatione exhorrescis,  
,, inferorum supplicia, tum, absq. vllâ progra-  
,, stinatione, Deum tuum per debitam obser-  
,, uantiā venerabimur & colemus. Cùm verò  
,, verba tantùm audiamus, & hâc beatitatem,  
,, ad quam nos incitas; & illam miseriam, à quâ  
,, nos reuocas, quibusdam inuolucris obtegere  
,, videris, satius esse ducimus, in pristino nostro  
,, cultu permanere, quâm præsentia mudi so-  
,, latia pro futuris incertisq. obiectamentis, te  
,, auctore & consuasore, repudiare. Hîc Patri-  
,, cius, Fides, inquit, non est earum rerum, quæ  
,, sub adspectum cadunt: tum enim fides non  
,, esset fides. Ista ergo mysteria sunt à nostris

oculis disiuncta: quæ absentia animo contéplari, præsentia nō possumus intueri, quamdiu corporum compagibus inclusi hīc viuimus. Verūm cùm hoc responsum illorū aures nō impleret, Antistes ad tēpus ab illis discedere, Numen humiliter orare, vti corū desiderio, pro suā diuinā prouidentiā, satisfaceret. Præfulis precibus non defuit Deus, cuius instinctu ad aquilonarem Hiberniæ plagam progressus, caueam in quodam recessu offendit, in quam qui intrabant terribilia spectra, solatiis quandoque interpunkta, videbantur sibi videre. Quod quidē Antrum (vt de loco nō prorsus dissimili scribit D. Gregorius) omnipotens Deus ad correptionem viuentium in hoc mundo voluit ostendi; vt mētes infidelium, qui inferni tormenta esse nō credunt, tormentorum loca videant, qui audita credere recusant. Ad hanc Cauernam, arate Patricij, magnaturba certatim confluxit. Ab intrantibus multa mirabilia recitabantur, ex his nonnulla antiquitatis monumentis consignata sunt. Hic locus à nostratis Purgatorium S. Patricij nominatur. Verūm qui nostrà memoriā in hunc sese locum compingunt, nullum sibi terrorem iniici sentiūt, nisi forte eos arctior somnus complectatur. Sed

*Gregor. lib. 4.  
dialog. cap. 35.*

*Purgatorium  
S. Patricij.*

E in

*Gregor. Ho-*  
*mst. 29.*

in primâ religionis cōsitu rā ( quo tēpore mi-  
racula vt plurimum crebriora sunt) veri qui-  
dem simile mihi videtur, quām plurima ido-  
la, truculēta & terribilia adspectu, solita fu if-  
se pœnitentibus ante oculos obuersari. Hæc  
Spelunca ab exterarum gentium peregrinis  
summā iam olim religione frequentabatur.

*Dionysius Car-*  
*thus, lib. de 4.*  
*nousis, art. 48.*  
*& de partici-*  
*judic. art. 24.*  
*Iacobus Ianue-*  
*sis, an vita S. Pa-*  
*tricij, in legēda.*

Dionysius Carthusianus non pauca de quo-  
dam Egneo & Tondalo narrat, qui abdide-  
runt sese in hanc fossam. Iacobus itē Ianuen-  
sis, disciplinæ S. Dominici alumnus, scribit,  
virum nobilem, Nicolaū nominat, expiandi  
sceleris caussâ, in hoc antro delituisse, vbi  
multa ei ad timorem, multa ad solatiū pro-  
poni visa sunt. Præterea familiaris meus Pa-  
ter Michaël Tradosius, Hispanus, D. Fráscisci  
præceptis institutisque adstrictus, vir omni  
laude dignus, mihi narravit, se lectitauisse li-  
brum satis ponderosum, nondū typis signa-  
tum, qui iter & peregrinationem cuiusdam  
Vicecomitis cōpletebitur ( is verò Perello ap-  
pellabatur) ad Purgatoriū S. Patricij : in quo  
libro multa explicantur, quæ lectorē in ma-  
gnam admirationem traducerent. Hic reli-  
giosus Peregrinator humatus est in conuen-  
tu D. Francisci Perpiniani, vbi & liber ipsius  
Vicecomitis manu scriptus in hodiernum  
vsque

*Perpinianum*  
*est crux as in*  
*Rosillo. in*  
*Episcopatu*  
*Elnensi.*

vñq. diem cōseruatur. Verūm huius Latibuli origo nonnullam inter scriptores controuersiam parit. Ioánes Camertes aliorū conjecturā ducitur ad suspicádum, Claudianum poëtam ad hanc foueam hæc, quæ sequuntur, carmina aptasse:

*Ioan. Camert.  
in cap. 35.  
Solini.  
Claudian. li. 1.  
in Ruff.*

*Est locus exremum pandit qua Gallia littus  
Oceani prætentus aquis, quo fertur Vlysses,  
Sanguine libato, populum mouisse silentum.*

*Illic umbrarum tenui stridore volantum  
Flebilis auditur questus, simulachra coloni  
Pallida, defunctasq; vident migrare figuræ.*

Hoc si ad veritatem accedat, vt locum esse demus ante Patricium natum, non tamen ad celebrem religionis vsum antea fuit accommodatus. Ceterūm alij nobis negotium facescunt, negantq; hunc nostrum Patricium huius monumenti vel auctorem, vel inuentorē fuisse. Quam opinionem duabus rationibus firmare conantur. Primūm, propterea quod Silvester Giraldus Cambrensis, diligentissimus inuestigator Hibernicæ antiquitatis, cū minutos quosq; ac angustos Hiberniæ angulosexquisitus depingat, huius tamen Antri ne mentionem vñquam facit. Et quanquam, inquiunt, si ratiocinationem ad acrem ac seueram topicorum normam diri-

*An Patricius  
Hibernie Apo-  
stolus fuerit  
Purgatorijs  
huius inuictus.*

E 2 gas,

*Giraldus Cambrensis in topographia Hiberniae*
 gas, argumentum , cuius punctum negando conficitur, non necessariò & Dialectice concluditur, tamē cùm Giraldus apud animum suum proposuerit , omnes notabiles Hiberniæ locos è tenebris in adspectum lucemque proferre, parum probabile videtur, tam insigne monumentum ab illo fuisse prætermissum, si id temporis aut cognitum , aut miraculis fuisset nobilitatum. Deinde verò pauci fossam hanc nostro Patricio adtribuunt, sed aliū Patricium Abbatem auctorem ponunt, qui religionis fundamenta, à primo Patricio iacta, perficere voluit. Hæc illi. Verùm si secundus Patricius hoc munus præstiterit, necesse est, ut Giraldū Cambrensem ætate antecedat. Siquidem Giraldi temporibus, qui floruit circiter annum Salutis 1180, fidei maturitas in Hiberniâ fruticari perseverauit, tametsi in depravatos incolarū mores Cambrensis scriptor asperius inuchitur. Iam verò si illa negans conclusio primum Patricium videatur pungere , quî secundum non itidem confodiat, minimè perspicio. Verùm ut nihil in hac caussâ cōtrouersię relinquatur, lectori confirmo , Purgatorium S. Patricij Giraldi Cambrensis ætate cognitū fuisse & peruulgatum . Atque istud ipsum Giraldi scripta non

non modò significant, verum etiam declarant cuius verba libet ad pingere:

*Giraldus Câbr.  
in topographia  
Hiberniae, di-  
scrit. 2.*

Est locus in partibus Ultonie continens insulam bipartitam, cuius pars altera probatę religionis ecclesiam habens, spectabilis est & amœna angelorum visitatione, sanctorumq; loci illius visibili frequentiā incomparabili- ter illustrata. Pars altera hispida nimis & horribilis, solis dæmoniis dicitur assignata: quę & visibilibus cacodemonum turbis & pōpis fere semper manet exposita. Et paulò post: Hic, inquit, vt asserūt tormenta si quis semel ex iniunctā pœnitentiā sustinuerit, infernales amplius pœnas, nisi grauiora commiserit, non subbit. Hic autem locus Purgatorium Patricij ab incolis vocatur. De infernalibus namque reproborū pœnis, de verâ post mortem perpetuaque electorum vitâ vir sanctus cū gente incredulâ dum disputasset: vt tāta, tam inusitata, tam inopinabilis rerum nouitas rudibus infidelium animis oculatâ fide certius imprimeretur, efficaci orationum instantiā magnam & admirabilem vtriusq. rei notitiam, duræq; ceruicis populo perutilem, meruit in terris obtainere.

Giraldi hæc sunt verba: nihil addo de meo: in quibus & locum & auctore satis luculentè

E 3 expri-

## 70 DE VITA S. PATRICII

*An. S. Patri-  
cius Abbas  
fuerit.*

exprimit. Quod verò nonnulli de Abbatē scribunt, in eo etiam offendit titubatumq. est. Quandoquidem idem Patricius, qui fuit Hiberniæ Apostolus, à quibusdam vetustis Scriptoribus Abbas nominatur: atq. ex hac opinione, non satis cognitâ, & peruagatâ, eos existimo in errorē deferri, qui illud tormentarium Antrum Patricio Abbatī adscribunt. An verò hic, quē in manibus habemus, Patricius, omnino Abbas fuerit, neq. adfirmare liberet, neque pernegare placet. Alienæ itaq; sententiæ recitator esse volo, reprehēsor nolo. Habeo fumosum libellum, vetustate tritum & mutilatum, à quodam viro religioso, qui in cœnobio Glastoniâ ætatem contriuit, quantum consequor, exaratum, in quo neruosiū confirmare conatur, Patricium octo tantūm annos in Hibernia fuisse commoratum: nimirū aduentasse illuc anno Salutis 433. atq. è portu rectâ se Glastoniâ contulisse, à quo, inquit, religioso cœtu Abbas fuit electus: tantusq; honos in Glastoniensi ( ut scribit ) gymnasio habitus est religioso ante Patricium nemini. Alius item vetustatis investigator memoriarē prodit, se vidisse in Glastoniensi Bibliothecâ monumentum quodam, in quo hæc verba continentur:

In

*Auctor in le-  
gendâ nouâ  
Angl. in vita  
S. Patricij.*

In nomine Domini nostri Iesu Christi ego " "  
 Patricius, humilis seruunculus Dei, anno in- " "  
 carnationis eiusdem quadringentesimo tri- " "  
 gesimo, in Hibernia à sanctissimo Papa Ce- " "  
 lestino legatus, Dei gratiâ Hibernicos ad fi- " "  
 dem veritatis conuersti. Et cū eos in fide Ca- " "  
 tholicâ solidassim, tandem in Britanniâ sum " "  
 reuersus ad insulam Aualoniae, & ibi duode- " "  
 cim fratres inueni, heremiticam vitam du- " "  
 cétes: & cūm inueni eos humiles ac quietos, " "  
 elegi potius cum illis abiectus esse, quām in  
 regalibus curiis habitare. Sicq; licet inuitum " "  
 in Pastorem me prætulerunt. Hæc & plura " "  
 alia ibi. Decurtata etiā ista chartula, quæ abs  
 me modò est nominata, tres distinctos Patri-  
 cios fuisse adfirmat. Ita enim scribit:

*Sunt huius nominis, tene certissime* " "

*Tres Sancti Præfules: primus Hiberniae* " "

*Archiepiscopus: alter Auerniae.* " "

*Quā natus fuerat ternus Hibernia.* " "

*Archiepiscopus primus Hiberniae:* " "

*Is primus postea Abbas Glastoniae,* " "

*Natus Britanniâ præclaro genere:* " "

*Vt sua vita declarat optimè.* " "

Istud igitur Abbatis nomen, quod à nonnul-  
 lis priscis historicis nostro Patricio Armacha-  
 no fuit impositum, aliquos in errorem indu-

E 4 xit,

xit, ut Patricium Abbatē à Patricio, Hiberniæ Apostolo, distinxerint, Abbatemq. huius, de quo tractamus, Purgatorij auctorem posuerint. Quod secus est, vti satis est comprobatum. Huius verò peregrinationis tales iam olim ceremoniæ erant: atque adeò, nostris temporibus, consimiles perhibentur: Quando quispiam statutum habet, in istud antrum ingredi, ad Pontificē, qui in ea Diœcesi religionem moderatur, in primis accedit, quocum propositum suum cōmunicat: Antistes multas adsuescit formidines opponere, quibus pœnitentem à suscepto negotio deterreat: vnum semel hominum contubernium in hunc specum intrasse, quorum vestigia nusquam post comparuerunt, de quibus per antiqua monumenta loquuntur: periculum esse, ne diuina Maiestas, omniū scelerum vtrix, ab illo similiter pœnas propter temeritatem & audaciam petat. Quē postquam accuratissimè Pōtifex monet, nec aliquis terroris recitatione flecti animaduerit, eum per literas, vel per statorē aliquem, cœnobij præfecto cōmendat, quod quidem prope ipsum expiationis locum à S. Patricio fuit ædificatum. In quo monasterio homines sanctam quietem atque otium seculi, ad religio-

*Ceremonia ob-  
seruatae quan-  
do aliquis in-  
trant in Pur-  
gatorii S. Pa-  
tricij.*

ligiosam D. Augustini normā vitā dirigunt. Præfetus itaque de peregrini consilio certior factus, eandem, quam Pontifex reformationem proposuit, nouo verborum fulmine exaggerat atque amplificat. Ast ubi pœnitentem nullo terrore variari perspicit, ei in mandatis dat, totos quindecim dies ieui-nius viuere, modò corporis infirmitas tantam inediā patiatur. Nam ei, qui stomacho crudiore est, non plus temporis in ieunā ac exili hac ciborum mediocritate prorogatur, quam quod cominodo valetudinis fieri pos-sit. Iam verò si adhuc etiam firmè & con-stanter in suo instituto perseveret, omnes monachi sollennibus supplicationibus pœnitentē ad Antri ianuam (quæ ut plurimum obturatur) perducūt: & postea quam ingressus est, siue solus sit, siue plures simul intrent, fores ab his, qui foris sunt, occluduntur, & postridie eius diei circiter eandem horā per simili cæmoniarum sollennitate pœnitentes ad templum reducuntur. Siquando ali-quid aduersi accidat, tota religiosa societas per integros quindecim dies seuera ieunitate corpora extenuant. Atque hæc sunt præcipua capita, quæ in annalibus, fide dignis, de Purgatorio S. Patricij continentur. Cete-

E s rùm

rūm de numero annorum, quos natura S. Patricio ad viuendum dedit, nonnulla est inter Historicos controuersia. Vnus centū & duodecim, aliis centum viginti, tertius centum triginta annos cum in vitā māsisse adfirmat. Certior opinio hæc est: In huius mundi lucē suscep̄tus est Patricius anno ab auctore Salutis humanæ nato 361. In cælestem verò lucem migrauit anno 458. Quibus ad calculos vocatis, cuiuis facile perspicuum est, eum ad summam senectutem vixisse. Verūm à nonnullis positum est in dubitatione, quo in loco S. Patricius humatus iaceat. Iste Glastoniensis monachus, de quo paullò antè dixi, Chesterum quendam pergrauiter reprehendit, qui S. Patricium in opido Dunensi cum Brigidā & Columbā sepultum confirmat. His enim telis in Chesterum incurrit:

- ” *De hoc Patricio, Columbā, Brigidā*
- ” *Delirat plurimum Chester in Chronicā,*
- ” *Scribens in Duno quod horum corpora*
- ” *Sunt uno tumulo.*

*Columbam  
Duni non esse  
sepultum vi-  
detur sensire  
Bedz is. 3. Hist.  
Angl. cap. 4.*

Ast in hac assertione non modò Chesterus non delirat, sed illius etiam reprehensor vehementer errat. Siquidem singularis Hibernorum annalium omnium cōsensio in Chesteri

*Cambrenſ.  
in Appendix  
et cap. 20.*

*Vbi sepultus.*

steri sententiâ existit , pro quâ etiam faciunt  
isti versiculi perantiqui:

*Hi tres in Duno tumulo tumulantur in uno*

*Brigida, Patricius, atque Columba pius.*

Deinde verò horum corpora Duni inuenta  
sunt circiter annum Salutis 1176. cuius rei  
testis est Giraldus Cambrensis , qui fuit eius-  
dem etiam ætatis : de quo toto hæc ille ex-  
ponit: Fuerant, inquit, contemporanei Patri-  
cio Sanctus Columba, & S<sup>a</sup> Brigida: & apud " " " "  
Ultoniam, in ciuitate Dunensi scilicet, ipso- " "  
rum tria corpora sunt recondita . Vbi & hiis " "  
nostris temporibus, anno scilicet, quo Comes " "  
Ioannes primo in Hiberniam venit: quasi in " 1176.  
speluncâ triplici , Patricio in medio iacente: " "  
aliis duobus hinc inde. Ioanne verò de Curci " "  
tunc ibi præsidente, & hoc procurante, tres " "  
nobiles thesauri diuinâ reuelatione inuenti " "  
sunt & translati. Hæc ille. Diuinitus autem " "  
horum corpora patefacta & illustrata esse,  
Giraldus verâ ac solidâ ratione adductus , li-  
teris memoriæq; prodit. Etenim dum certo  
quodam tempore Dunensis Episcopus in  
templo pernoctat ( is verò multùm & assi-  
diuè Numen obsecrauit, abditos hos thesau- Sepulchrum  
ros è tenebris in lucem proferre , priusquam  
ipse ex præsentis vitæ vinculis euolaret ) ecce  
tibi

*Girald. Care-  
bren. in topo-  
graph. Hiberno-  
distinct. 3.*

*Sepulchrum  
diuinitus  
patefit.*

tibi derepente radius mirabiliter pellucens per templi repagula permeat , cuius fulgore tota ecclesia collustrata splendescit. Locus verò, in quo sanctorum sepulchrum delitescit, maiore luminis accessu micat . Antistes gaudio exiliens fossam postero die effodi curat . Diuorum corpora summâ cum gratulatione & lâtitia ex abditis terræ recessibus eruuntur. Incredibilis concursus ex omnibus locis patrum familiâs cum coniugibus ac liberis. Res multorum oculis testior ad summum Pontificem delata; qui legatum in Hiberniam misit : cuius auctoritate prouinciae Praefules vñi , sanctorum corpora in locu magis illustrem, celeberrimâ populi gratulazione, detulerunt, & communi scito ac decreto promulgarunt , horum translationem anniversariâ solennitate in posterum fore celebrandam:nimirum quinto Idus Iunij: Hoc enim genus honoris eorum Corporibus tribuendum rectè & verè Praefules censuerūt, quorum Animæ angelorum sunt sedem & locum consecutæ. Antistes erat Patricius (vt reddam, quæ restant) in omni virtute excellens, quem diuina gratia ( omnium benèfitorum beneq; dictorum parens & moderatrix ) multis extraordinariis muneribus ab  
incu-

incunabulis cumulatissimè locupletauit.

Cùm salutari aquā ablueretur , fontē ex ve-  
nis ac visceribus terrae emanasse, cæcumque  
lumen recepisse, nonnulli scriptores, religio-  
sā ad seueratione, apud posteros testatum re-  
liquerunt. Ad hæc, adolescentulus rogum ex  
glacie exstruxisse dicitur, quæ structoris pre-  
cibus, perinde ac si materies esset ad exarce-  
scendum facilis, ignem concepit, atque ad-  
uersante & repugnante visitato naturæ cur-  
su, mirabili incendio conflagravit. In ingen-  
ti quodā immensoq; campo spaciari posset,  
qui singula miracula ab hoc ornatissimo  
Præfule edita, oratione percurreret, in qui-  
bus enumerandis, facillimè principium, dif-  
ficillimè exitum narrator inueniret. A tene-  
ris vnguiculis vsq. ad ultimum spiritum, se-  
ipsum religionis ac pietatis studiis consecra-  
uit: nunquam de spatio curriculoq; sancti-  
tatis deflectens, quod ei diuinitus ab initio  
ætatis propositum fuit. Teneritate puer, mo-  
deratione sedati adolescentis mores expres-  
sit: annis iuuenis, iudicio senem se præbuit,  
per omnem vitæ suæ cursum virtute ætatem  
superans. Pastorali munere perfunctus est  
mirâ sedulitate: quam etiam spiritualis stru-  
cturæ perfectio illustrauit: cuius ædificij non  
modò

*Miracula edita  
cum Patriano.  
baptizaretur.*

*Eius n.ores.*

modò fundamenta iecit, sed etiam inchoato operi fastigium imposuit. Cùm Româ in Hiberniam Pontifex concessit, si omnino aliquos, saltem perpaucos ibi fideles inuenit: moribundus nulos per insulam infideles reliquit: quâ in curâ & solicitudine ita Deum propitium habuit, vt iure quidem dubitaretur, an vnâ ætate diuersi Pastores, aut diuersis ætatibus vnus Pastor tam frequentem gregem ad Domini caulam, Euágelicis blandimentis, inuitare atque adlectare posset. In mundo peregrinus, cælestem patriâ in mente & cogitatione defixit. Vim, varietatemq; fortunæ in minimis posuit. Nemo in secundis rebus moderatior, nemo in aduersis patientior, in vario mundanarum rerum statu non varius. Seueritatem cum humanitate tam æquabili temperamento commiscebatur, vt alteram in notandis animaduertendisq; vitiis, reuereri non nolles, alteram, cùm ad virtutem adhortaretur, non amplexari non posses. Vir tam castus, quâm qui castissimus: frequenti & assiduâ inediâ carnis ferocitatem cōpressit: tenuiculo apparatu, quoties naturæ comedendo satisfecit, satiatus. Atque in hoc genere abstinentiæ usque eò singulariter excelluit, vt inter primos mini-

mè

mē secundus fuerit , atque adeò inter secun-  
dos longè primus exstiterit. Mirâ beneficen-  
tiâ ac liberalitate intenues & pauperes erat,  
quibus auxilio s̄æpe , consilio semper præsto  
fuit. Eum enim pupilli tutorem , posthumū  
parentem, viduæ patronum habuerunt. Ora-  
tionibus , suprà quām credibile est , deditus  
vixit. Integros regij Vatis psalmos in dies sin-  
gulos recitauit. Sacram literaturam perrarò è  
manibus , & quod ad rem maximè pertinet,  
è mente nunquam demisit, in eius familiari-  
tatem se penitus immersit . Aliquos etiam  
sacros libros (vt quibusdam placet ) doctissi-  
mis commentariis explanauit. Crucem, vbi-  
cunque locorum desigi vidit, debitâ religio-  
ne colere consuevit: atque hac graui ratione  
consuetudinis solitus est vti , quoties iter ad  
aliquem locū fecit. Euēnit, vt semel, nescio  
quò profiscens, crucem transiret, neque ad  
eam, pristino suo more, inclinaret. Rogatus à  
comitibus, quid ei in mentem venerat, quòd  
ab eâ cruce mentem reuocasset, diuinitus  
cognouerat , prope illud signum , Capito-  
nem paganum esse sepultum , quem indi-  
dem auelli & asportari iusserat. Quantum  
autem commendationis , ac potius admira-  
tionis apud homines, omni laude dignos,  
habue-

*Crucis imaginem adorans.*

*Surius tom. 2.  
Mart. 3. in vi.  
sa. VV in vval.  
circa initium.*

habuerit: vel hinc liquet, quod D. Winwa-  
lochus, vir omni virtute præcellentissimus,  
Patricij visendi inexplebili desiderio flagra-  
uit. Quin etiam ipse peculiaris Angelus, in  
cuius tutelâ à primis temporibus ætatis fuit,  
persæpe se Sancto adspectabilem præbuisse,  
eiusque perfamiliarem fuisse, nonnulli per-  
veteres scriptores ad posteritatis memoriam  
commendarunt: quo monitore suggeren-  
te, Patricius crebrò vaticinari, coquè in mu-  
nere nunquam hallucinari est cognitus: nam  
semper cum prædictis rerum euentus con-

*Bernar. in vita  
S. Malachie.  
Habetur etiam  
apud Surium,  
tom. 6. No-  
vembr. 5.*

gruebant. Quanto autem in honore & amo-  
re spectatissimum hunc Præfulem S. Mala-  
chias habuit, testatur D. Bernardus: Per-  
conctatus ( loquitur de S. Malachia ) ali-  
quando, quonam in loco, si optio detur,  
extremum malit agere diem ( de hoc siqui-  
dem fratres quærebant inter se, quem sibi  
quisque deligeret ) cunctatur, & non re-  
spondet. Instantibus illis: Si hinc migro,  
inquit, nusquam libentius, quam vnde vnà  
cum nostro Apostolo resurgere possem. Hæc  
de duobus sanctis scriptor insignitè sanctus.  
Verum hic certis quibusdam leptis coangu-  
stanta mea est oratio, ne profusâ quadam la-  
xitate redundans, extra ripas effluere videa-  
tur.

tur. Quandoquidem in meritissimis S. Patricij laudibus celebrandis longum esset è multis paucas virtutes seligere, quiq; istud susciperet negotij, potius in vbertate modum, quam in exilitate copiam atcupari deberet. Vnum hoc tacitus præterire nullo modo possum, non solum incolas, sed ipsam etiam Hibernicam glebam tam salutari Patrono lætari debere: cuius beneficio perfectum est, ut nulius venenati animalis Hibernica terra vel procreatrix vel altrix esse possit. Vetus & posteritatis consensu firmata & consecrata in D. Patricio est hæc opinio; tametsi non desint, quibus videtur huius boni ipsam naturam esse principem. Solinus, qui S. Patricium ætate antecessit, eos in hanc potissimum sententiam dicit, apud quem hæc verba sunt: Illic anguis nullus, auis rara. Verum in altero Solinus, certo scimus, est mendax, in altero qui sciamus an sit verax? Vbi, amabo, aues abundant, si in Hiberniâ non abundant? Ut igitur in aue rarâ Solinus re ipsâ errauit, ita, in angue nullo, errare potuit. Mirus sane omnium consensus Hibernorum concentusq; in hoc reperitur, Patricij æuo singulas Hiberniæ particulas, imò truncos, baccas, ramos, arbusta, vir-

Hiberniâ om-  
nis venenatè  
animalu ex-  
pertem esse,  
meritus D. Pa-  
tricij, ut per-  
uulgata fere  
opinio.

Solin. cap. 35.

F gulta,

gulta, culmos & herbas tabificis vermibus, extra modum redundasse: atque hæc incredibilis luxurie Antistitè induxit, ut insulam purgaret, & ab hac pestiferâ colluuie liberaret. Quod quidem singulare beneficium meritis D. Patricij satis asseueranter adsignari poterit, quandoquidem libertatis nostræ restitutor istam ipsam virtutem ser-

*Mars. 16. 17.* uis suis pollicetur: Signa, inquit, eos qui  
 „ crediderint hæc sequentur: In nomine meo  
 „ dæmonia eiicient, linguis loquentur nouis,  
 „ SERPENTES TOLLENT, & si mortife-  
 „ rum quid biberint, non eis nocebit, super  
 „ ægros manus imponent, & bene habebunt.

Exsistit iam olim in Hiberniâ baculum, au-  
 ro, quemadmodum scribit D. Bernardus, te-  
 etum, & gemmis pretiosissimis adornatum,

*Baculum Iesu.* quem nominabant baculum Iesu: eò quod  
 ipse Dominus (vt fert opinio) eum suis ma-  
 nibus tenuerit, atque formauerit: quo qui-  
 dem baculo S. Patricium istud viperinum  
 virus ex Hiberniâ abegisse tradunt, de quo  
 insigni monumento, de que alio, non ei dis-

*Giraldus Ca-  
 brensis. in geo-  
 graphia  
 Hibern. di-  
 git. 3.* simili, quid Giraldus Cambrensis, vetu-  
 stus historicus, scribat, minimè extra caus-  
 fam erit, ante lectoris oculos collocare:

„ Inter vniuersos Hiberniæ baculos, ligneæq;  
 natu-

naturæ Sanctorum reliquias, virtuosus ille & famosus, quem baculū Iesu vocant, non im- merito primus & præcipuus esse videtur. Per quem, vulgari opinione, S. Patricius venenos ab insula vermes eiecit. Cuius siquidem tam incertus est ortus, quām certissima vir- tus. nostris autē tēporibus, & nostrorū ope- rā, nobilis hic thesaurus ab Armachia Du- bliniū est translatus. Vidimus etiam in Wal- liâ, nec non & veheinentius admiramur, ba- iulum quendam cornu quoddam æneum, quod S. Patricij fuisse dicebat, pro reliquiis in collo gestantem. Dicebat etiam, ob reueren- tiam Sancti illius, neminem ausum hoc sona- re. Cùm igitur Hibernico more circumstan- ti populo cornu porrigeret osculandum, sa- cerdos quidam, Bernardus nomine, de ma- nibus eius illud arripuit, & oris apponēs an- gulo, aërem q̄; impellens, sonare cœpit, qui & eadem horā, multis adstantibus, ore quidem aure tenus paraliticè retorto, dupli passione percussus est. Cùm enim torrentis eloquij prius exstitisset, & delatoris linguam detra- ētor habuisset, sermonis cuiuslibet vsum sta- tim amisit. Vnde & in hac parte sic læsus est, ut semper hactenus linguæ fuerit impeditæ. Præterea letargū patiens sic statim obliuioni

Miraculū de  
cornu æneo.

„ cuncta tradiderat, ut vix etiam se nomen habuisse meminisset. Enim uero tam enormiter in memoriam Iesu fuerat, ut Psalmos, quos „ antea cordetenus optimè nouerat, multis ab „ inde diebus quasi de novo recordantem vi- „ deremus: & literas, etiam quarum notitiam „ copiosè satis habuerat, denuo mendicatem, „ tanquam elementarium senem, miraremur. „ Cui tandem in Hiberniam ad S. Patricium, „ excessus huius caussa, peregrè profecto, ple- „ nior valetudo rediit, sed non plena. Hæc Gi- raldus. Plurima, his similia, in medium pro- ferri possunt, in quibus Patricij virtus insi- gniter enituit. Vnu illud breuiter adtingam, quod, inter alia sua heroica ornameta, in po- stremis numerandu non censeo: Si quis apud animu suum proponeret, priscorum temporum memoriā replicare, atq. ex historiaru vetu- state sanctoru Patru anteactas vitas eruere, in multos incideret ad dignam immortalitatē religione & memoriā consecratos, quorum omnia consilia ad Euangeliū propagationem vnicè spectabant. Horu sacrosanctā diligentiā effectum est, ut omnes ferè nationes intro- lērandam Dæmonis tyrānidem à ceruicibus auerterent, atq. mitissimo Christi iugo men- tes suas humiliter subiicerent. Apostolicæ in- dustriæ

dustriæ curriculū in hoc saluberrimo instituto præcipue elaboratū esse, quē præterit? Illi enim Ecclesiæ principes, cælestis gratiæ bucinatores, diuinitus designati, vrbē & orbem Euāgelicē tubē sono cōpleuerunt. Eundē dōcēdi cursum complures integerim Patres, Apostolorū etati suppares, secūdissimē tenuerunt, qui varias mūdi plagas vnā eadēq; Catholicē fidei luce collustrarunt. Qui cūm infinitos Iesu Christo filios, magno consilio atque optimā mente, procreassent, reperti erāt in eisdem territoriis, qui, omissis rectissimis pietatis studiis, officium longis interuallis tēporum interruperant, & mentes suas ab omni Christianā religione inopes & desertas reddiderant. Adhæc, multi tyranni, crudelissimis consiliis incitati, atq. à Christianā fide toto pectore auersi, milites suos, immanitate barbaros, multitudine innumerabiles, in eiusdē religionis consecratores hostiliter immittere, qui resistentes contrucidarent, altaria cōplanarent, reliqua sacra, sacrilegis manibus atq. impiis, polluerent ac violarent, postremō in capite fortunisq; omniū, maximis aceruis corporum exstructis, intolerāter dominarentur. Quæ quidē lupina ferocia tantam acerbitatē Christiano gregi adtulit, vt

F 3 mul-

*Psal. 18, 5.  
Matth. 28, 19.  
Marc. 16, 15.  
Rom. 10, 18.*

multas iam nunc nationes, tyrannide recisas,  
 armis repressas peragrare liceat, in quibus vix  
 aliqua veteris doctrinæ vestigia appareant.  
 Aliarum item nationū habitatores, cęcā ani-  
 mę dominatricem Hęresim nequiter secuti,  
 ē sinu gremioq; Ecclesiæ, indulgētis matris,  
 ingrati filij sese abstraxerunt, ac Christi tuni-  
 cam, omni violento direptu, discindere per-  
 tentarunt. Verum enim uero labor, quę S. Pa-  
 tricius in Christi vineā, incredibili studio  
 atq; virtute impendit, longè meliores exitus,  
 Deo iuuante & conseruante, habuit. Siqui-  
 dē, ex eo tempore, quo diuinus Antistes Hi-  
 bernos ab infidelitate ad Christianā religio-  
 nem traduxit, Catholica ibi fides, tam altis  
 defixa radicibus, effloruit, ut per omnes si-  
 mul insulæ partes, aut nunquam, aut non ita  
 diu viriditatem amiserit: contraq; ipsi pa-  
 sim domestici natiuiq. incolæ, præter admo-  
 dum paucos, ea constantiā & firmitate animi  
 Catholicæ Romanæ Ecclesiæ, etiam in præ-  
 senti religionis naufragio, adhærescunt, ut  
 portenti simile videatur, in ullū Hibernum  
 incidere, qui sit aut nouæ sectæ procreator,  
 aut notæ sectæ, ex voluntate, adprobator.

*Hibernorum  
in fide Catho-  
lica communis  
constantia.*

*Turgesius pa-  
ganus tyran-  
nidem in Hi-  
bernia exer-  
cuit, sed non ita  
diu. Vide Hi-  
bern. rerū ap-  
pend. cap. 22.*

F I N I S.